



ა (ა)იპ ლაგოდეხის მუნიციპალიტეტის კულტურის, სპორტისა და ახალგაზრდობის საქმეთა განვითარების ცენტრი

(წლიური ანგარიში)

კულტურის, სპორტისა და ახალგაზრდობის საქმეთა განვითარების ცენტრი ბიუჯეტი განისაზღვრა 1,225,000 ლარით. აქედან, კულტურის სფეროს დაწესებულებების ხელშეწყობა 302,950, სპორტული დაწესებულებების ხელშეწყობა 80.000 ლარი, ახალგაზრდობის მხარდაჭერა 38 000 ლარი, ხოლო ოფისი 804,050 ლარით განისაზღვრა. ღონისძიებების გეგმა შეადგენს 185,560 ლარს, რომელიც გათვალისწინებულია წლის მანძილზე 98 დაგეგმილი ღონისძიება/აქტივობების ორგანიზებისთვის.

აქედან,

- ❖ კულტურის მიმართულებით - 47 ღონისძიებისთვის (კულტურა 26, მუზეუმი 7, თეატრი 8 სპექტაკლი, ბიბლიოთეკა 6 ღონისძიება) - 100,080 ლარი განისაზღვრა;
- ❖ სპორტის მიმართულებით 26 ღონისძიებისთვის - 11,500 ლარი განისაზღვრა; (წლის განმავლობაში ღონისძიებები განხორციელდა გადაჭარბებით მათ შორის არაგეგმიური)
- ❖ ახალგაზრდობა/მოსწ. ახალგაზრდობა 21 ღონისძიებისთვის - 28,300 ლარი განისაზღვრა; (განხორციელდა სრულად)

კულტურა

წლის განმავლობაში, სამსახურის მიერ ორგანიზებული/განხორციელებული იქნა შემდეგი პროექტები: საქართველოს დამოუკიდებლობის დღე, საქართველოს სახელმწიფო დროშის დღე, ბავშვთა დაცვის საერთაშორისო დღე, ფაშიზმზე გამარჯვების დღე, წიგნის საჯარო კითხვის მსოფლიო დღე, დაუნის სინდრომის საერთაშორისო დღე, დედამიწის საერთაშორისო დღე, დედის დღე, „წლის მასწავლებლის“ დაჯილდოება, ეროვნული სამოსის დღე, ნაყინის ფესტივალი, მუნიციპალიტეტის საჯარო სკოლის, მეთორმეტე კლასის მოსწავლეებისთვის სკოლის დასრულების ღონისძიება; მერიის სოციალური პროგრამის ფარგლებში დაფინანსებული, მაღალი აკადემიური მოსწრებისა და 2023 წელს საჯარო სკოლის დამთავრების შემდგომ უმაღლეს სასწავლებელში ჩარიცხული სტუდენტებთან შეხვედრა; ტრადიციული სახალხო დღესასწაულები - „ჰერეთობა 2023“, სოფელ გიორგეთში - „პასკის ფესტივალი“; სოფელ თელაზე - „თელაობა“ (116 წლის იუბილე), სოფელ მაწიმში - „ძელიცხოვლობა“, სოფელ ვარდისუბანში - „ვარდისუბნობა“, სოფელ აფენში „აფენობა“; „კოსტაობა“, „აჭარული დღე“, „ჭაჭის ფესტივალი“-რომელიც ქ.თელავში კულტურის პალატის ინიციატივით მე-4 წელია იმართება.

საანგარიშო პერიოდში, მოეწყო ფოლკლორული საღამო „შემოვინახოთ ერის საუნჯე, სიტყვა ქართული, სიტყვა ხალხური“. ასევე, სოფელ ლელიანის კულტურის სახლში ჯგუფი „ქართველის“ სოლო კონცერტი გაიმართა.

სამსახურის ცენტრის მიერ განხორციელდა საგანმანათლებლო, შემეცნებითი ლექცია-სემინარი, რომელიც მწერალმა, საქართველოს ეროვნული ბიბლიოთეკის გენერალურმა დირექტორმა, გიორგი კეკელიძემ გამართა. ღონისძიება, ახალგაზრდული საბჭოების ჩართულობით განხორციელდა და მასში ასზე მეტმა ახალგაზრდამ, მიიღო მონაწილეობა.

მუზეუმი

ლაგოდეხში ჯიმშერ მაისურაძის სკვერში გაიმართა „ეროვნული სამოსის დღე“, სადაც მოეწყო ეროვნული სამოსის ფოტო გამოფენა და ახალგაზრდების მიერ ეროვნული სამოსის ჩვენება, დღის დასასრულს გაიმართა კულტურული ღონისძიება ადგილობრივი შემსრულებლებით. სოფ. ჭიარუში მუზეუმის დირექტორის დავით ყვავაძის მიერ აღმოჩენილ იქნა ეკლესია, რომელიც გადაეცა ძეგლთა დაცვის სამინისტროს.

ბიბლიოთეკა

წლის განმავლობაში სოფელ ვარდისუბნის სასოფლო ბიბლიოთეკაში, ხმამაღალი კითხვის საერთაშორისო დღესთან დაკავშირებით ღონისძიება გაიმართა, სადაც აქტიურმა მკითხველებმა შემდეგი ნაწარმოებები წაიკითხეს და დისკუსია გამართეს: ვაჟა-შაველას - „ხმელი წიფელი“ და „ია“; გოდერძი ჩოხელის - „მართა“; რევაზ ინანიშვილის - „ფიროსმანი“.

ლაგოდეხის მუნიციპალიტეტის ცენტრალური ბიბლიოთეკაში, გამომცემლობა „წიგნი+ერმა“ უმასპინძლა. "გამომცემლობა "წიგნი+ერი" და თანამედროვე მწერლები რეგიონებში" ფარგლებში, გამომცემლობის წარმომადგენლები და ავტორები ლაგოდეხის მუნიციპალიტეტს ესტუმრნენ და მოაწყეს გამოფენა გაყიდვა, ასევე ისაუბრეს თავიანთ საავტორო წიგნებზე და მათ ნამუშევრებზე.

თეატრი

წლის განმავლობაში ლაგოდეხის თოჯინების თეატრმა, მუნიციპალიტეტის 15 თემის საბავშვო ბაღებში და საჯარო სკოლებში, გასვლითი სპექტაკლების ჩვენება გამართა, სადაც წარმოდგენილი იქნა, მ. მახათაძის (თანამედროვე ვარიანტი) პიესა „წითელქუდა“; ფერნანდო არაბალის ტრაგიკომედიით „პიკნიკი“; (რეჟისორი - რაჟდენ კერვალიშვილი)

საანგარიშო პერიოდში, ლაგოდეხის დრამატული და თოჯინების თეატრის თოჯინები განახლდა. განახლებული თოჯინებით პრემიერა „ზოგჯერ თქმითაც დაშავდების“ გაიმართა. პრემიერა ლაგოდეხის

მუნიციპალიტეტის, ევროკავშირის, გაეროს განვითარების პროგრამის და საქართველოს პერსონალურ მონაცემთა დაცვის სამსახურის ხელშეწყობით ჩატარდა.

22 და 25 დეკემბრს ლაგოდუხის დრამატული და თოჯინების თეატრმა მონისპექტაკლი „მედეა“-ს პრემიერა გამართა, რასაც საზოგადოების მხრიდან დადებითი შეფასება მოჰყვა.

სპორტი

საანგარიშო პერიოდში, მუნიციპალიტეტში ჩატარდა, ევროპისა და მსოფლიო პრიზიორის ვახტანგ (ვატა) შიხაშვილის, რიგით მე-19 ტურნირი მკლავჭიდაში, ასევე, თემებში სხვადასხვა ტიპის შეჯიბრებები უბნებს შორის ფრენბურთსა და მინი-ფეხბურთში; სპორტის საერთაშორისო დღესთან დაკავშირებით, მუნიციპალიტეტის გუნდებს შორის ჩემპიონატი გაიმართა ფეხბურთსა და ფრენბურთში.

საანგარიშო პერიოდში, ცენტრის მიერ განხორციელდა შემდეგი ღონისძიებები:

- 9 აპრილს, სოფელ კართუბანში, მამუკა ნოზაძის ხსოვნისადმი მიძღვნილი სპორტული ღონისძიებები: ფეხბურთში, ქართულ ჭიდაობასა და მკლავჭიდაში;
- სოფელ აფენში „არჩილ კაციტაძის ხსოვნისადმი მიძღვნილი ტურნირი ფეხბურთში“;
- სოფელ ცოდნისკარში, „დავით ტუხაშვილის ხსოვნისადმი მიძღვნილი ტურნირი მინი-ფეხბურთში“;
- სოფელ გიორგეთში ჯიმშერ მაისურაძის ხსოვნისადმი მიძღვნილი ღონისძიება - „ჯიმშერობა“. სპორტული აქტივობები, მინი ფეხბურთსა და ქართულ ჭიდაობაში.
- სოფელ ჭიაურში, გია დუღაშვილის ხსოვნისადმი მიძღვნილი ტურნირი ფეხბურთში;
- სოფელ აფენში (აფენობა 2023), კახეთის გუნდური ჭიდაობა;
- სოფელ ჭაბუკიანში, გიორგი მუმლაძის სახელობის ტურნირი მინი ფეხბურთში;
- სოფელ მსხალგორში აფხაზეთის ომში დაღუპული „გელა გელაშვილი“-ს სახელობის ტურნირი მინი-ფეხბურთში;
- სოფელ ნინიგორში, „შმაგი ნოზაძის“ სახელობის ტურნირი მინი -ფეხბურთში;
- სოფელ ბაისუბანში, აფხაზეთის ომში დაღუპული „გიორგი მაჭარაშვილის“ ხსოვნის დღე

ახალგაზრდობის მიმართულეებით განხორციელებული ღონისძიებები

პროექტის - „კინო სკოლაში“ ფარგლებში, სოფელ ვარდისუბნისა და სოფელ შრომის საჯარო სკოლებში, მოკლემეტრაჟიანი ანიმაციური ფილმების - "არა იპარო" და "ხარბი ძაღლის" ჩვენება მოეწყო.

ცენტრის მიერ გაიმართა ხატვის კონკურსი - „იღვიძებს ბუნება“ (3 ეტაპად), სადაც მონაწილეობა მიიღო მუნიციპალიტეტის ყველა საჯარო სკოლის ნორჩმა 90-მა მხატვარმა.

საანგარიშო პერიოდში, სასკოლო ოლიმპიადის ფარგლებში შემდეგი კონკურსები გაიმართა:

- „სახალისო მათემატიკა“;
- ლიტერატურული კონკურსი, „ნორჩი პოეტები და პროზაიკოსები“.
- „ქართული მარტო ენაა?! ქართული ქართველთ რწმენაა!“

ცენტრის მიერ მოეწყო, ასფალტზე ცარცით ხატვის კონკურსი. 100-მა ახალგაზრდა მოყვარულმა მხატვრმა, ტყე პარკის ტერიტორია ფერადი ცარცით მოხატა.

ლაგოდებში, ტრადიციულად ფერების ფესტივალი გრანდიოზულად აღინიშნა კულტურის, სპორტისა და ახალგაზრდობის საქმეთა განვითარების ცენტრის მიერ ორგანიზებული ახალგაზრდული აქტივობები, ტყე-პარკის ტერიტორიაზე მთელი დღის განმავლობაში გრძელდებოდა. „ფერების ფესტივალის“ შემდეგ, გასართობი ღონისძიება, დიჯეის შოუ პროგრამითა და მომღერალ „თამადას“ კონცერტით დასრულდა.

საანგარიშო პერიოდში, სამსახურის მიერ განხორციელდა სხვადასხვა სასწავლო-შემეცნებით და გასართობი აქტივობა: „საზაფხულო სკოლა“, რომლის ფარგლებშიც 100 მონაწილეს უმასპინძლა.

საახალწლო კვირეული

ლაგოდების მუნიციპალიტეტში საახალწლო კვირეული დაიწყო, რომლის ფარგლებში სხვადასხვა ღონისძიება გაიმართება, ყველა თაობის მოქალაქეებისა და ჩამოსული სტუმრებისათვის.

23 დეკემბერს საახალწლო ნაძვის ხე ცენტრალურ სკვერში საზეიმოდ აინთო. ნაძვის ხის ანთებასთან ერთად, ქალაქს ეასტუმრა კოკა-კოლა“-ს ქარავანი რომელმაც კიდევ უფრო მეტად შეუქმნა საზოგადოებას საახალწლო განწყობა,რის შემდეგაც ჯგუფი „ოჩოს ქობის“ მონაწილეობით კონცერტი გაგრძელდა.

25 დეკემბერს ლაგოდებს გიორგი ცხადაძე ესტუმრა ბენდთან ერთად და კიდევ ერთი საღამო გაიმართა ახალგაზრდებისთვის.

26 დეკემბერს ადგილობრივების კონცერტი გაიმართა სადაც ქორეოგრაფიულმა ანსამბლებმა და ფოლკლორმა მიიღეს მონაწილეობა.

27 დეკემბერს, ლაგოდებში, საქართველოს მთავრობის ადმინისტრაციის ორგანიზებით, საახალწლო ღონისძიება გაიმართება.

სამობაო ბაზრობა: ხელნაკეთი ნივთების გამოფენა-გაყიდვა, გლინტვეინი და საახალწლო ნუგბარი;

ელფების სახელოსნო: საახალწლო ფიგურების დამზადება;

საბავშვო გასართობი სივრცე: თამაშები ყველა ასაკის ბავშვისთვის, თოვლის პაპა და საჩუქრები; მუსიკალური კარნავალი, თეატრალიზებული მსვლელობა ზღაპრის გმირებით;

თოვლის პაპას ფოსტა: საახალწლო ღია ბარათების გაგზავნა საქართველოში და საზღვარგარეთ;

ღია კინოთეატრი: საახალწლო ფილმების ჩვენება;

კონცერტი: ანსამბლი „გორდელა“ და ჯგუფი „არა“;

საზეიმო ფოიერვერკი.

28 დეკემბერს ჯგუფი ¼ ესტუმრა და საღამო გრანდიოზულად ჩატარდა.

29 დეკემბერს ჯგუფი „მგზავრები“ ესტუმრნენ და საღამომ სრული ანშლაგით ჩაიარა

30 დეკემბერს საახალწლო კვირეული ჯგუფი „ფრანმა“ დაასრულა, სათაო ფოიერვერკებით დასრულდა.

ა (ა)იპ ლაგოდების მუნიციპალიტეტის კულტურის,
სპორტისა და ახალგაზრდობის საქმეთა
განვითარების ცენტრი დირექტორი:



/ნ. ბაღაშვილი/